

Erbeinigung

zwischen 1. Christoph III., Landmarschall, 2. Erasmus und Georg VI.,
und 3. Hartmann I. (Hertneid).

Nicolzburg, 3. März 1504.

Ich **Cristoff von Liechtenstein von Nicolspurg** als der elftist Ich **Erasm**
Ich **Georg**, gebüeder **Herrn Heinrich von Liechtenstein Sun** In Ich **Hert-**
neid (Hartman) Herrn **Georg von Liechtenstein Sun** all vettern von Liech-
tenstein von Nicolspurg Bekennen fur vnns all vnser Erben vnd nachkomen des
namens von Liechtenstein vnd tun kund offentlich mit diesem brieue, das wir vnns aus
Rechter Vetterlichen angeboren Natur Vetterlicher lieb vnd frunttschafft vnd von aufnemen
wegen vnseres namen vnd Stamen auch nach Ratt vnner negsten frumde mit gutem willen
vnd wolbedachtem muet mit gemainem verainten zeitigem Ratt, vmb alle vnure Geslöffer
Herrschafft Stet Mergkht Vesten vnd Dörffer Stügk Gält vnd gueter wie die vnser
voruorden genutz vnd genoissen haben ain Vetterliche vnd fruntliche erbeinigung, vnd
gleiche Aufzainung getan vnd gemacht haben, tun vnd machen die auch hiemit wissenlich
in krafft diß brieues Also das wir solhe erbeinigung vnd Aufzainung Vestiglich vnd
vnterbrochen hallten sollen vnd wellen mit allen Punkten artigk vnd ordnungen wie
hernachuollgt So ist mir Cristoffen von Liechtenstein von Nicolspurg aus
vnser aller verainigung vetterlicher vernwilligung vnd erblichen aufzainung geuallen.

Die herrschafft Nicolspurg das Gesloss daselbs mitzambt der Stat Das Gesloss
Raschennstein Das Gesloss Maidburg, Die Vesten Lunnenburg, Die
Vestn Hohennaw Die Vesten Vrichkirchen mit allen vnd yglichen Zin
zuegehörungen Oberkainen herrligkainen freyhaiten Landgerichten Kennten Zinsen Gälten
Getraid Weinzeihennten Pergtrechten Diennst Vogteyen Meutten Hölczern Wünnen Awen
Wildpanen Zaiden Bischwaiden Bischerey Müll mülsteg Seen Voglgeflig vnd sunnst allen
andern nutzungen vnd zuegehörungen wie die genannt vnd gehaißen mügen werden vnd
von allerher darzue gehörig sein, Innhalt ains Verfigelten Register das berürt Herr-
schafft Geslöffer Stett Mergkht Vesten vnd Dörffer Stügk Gält vnd gueter mit namen
begriffen, Dieselben Register ains yedentails vnder vnsern Insign bekrestigt vnd ver-
fertigt klerlich anzaigt So ist mir Erasm vnd Geörgen gebuedern von Liech-
tenstein von Nicolspurg in solher fruntlicher Verainigung vnd erbaufzainung
geuallen die Herrschafft Steyregk mitzambt der Stat Das Gesloss Ruttenstein
Das Gesloss Reyhennstein Die Vesten Wulfenstorf Die Vesten
Dürrenholcz Das Statl Gostall mitzambt der Vesten daselbs mit allen vnd
yglichen iren zuegehörungen Oberkainen Herrligkainen freyhaiten Landgerichten Kennten
zinsen Gälten getraid vnd Weinzeihennten Pergtrechten diennst Vogteyen meutten hölczern
wünnen awen Wildpanen Zaiden Bischwaiden Bischereyen Müll Müllstegen Seen vnd sunnst
allen andern nutzungen vnd zuegehörungen Wie die genannt vnd gehaißen mügen
werden vnd von allerher darzue gehörig sein, Innhalt ains Verfigeltn Register das berürt
Herrschafft Geslöffer Stett Mergkht Vesten vnd Dörffer yedes tayls seins aufzaigns
Vnder vnsern Insign bekrestigt vnd vefertigt, klerlich anzaigt, Verrer ist mir Hert-
neid von Liechtenstein von Nicolspurg in vorangezaigter erbaufzainung,
aufzeigzt Wordem Die Herrschafft Beldspurg das Gesloss daselbs mitzambt der
Stat, das Gesloss Hagkennberg, Die Vesten Rambenstorf Die Vesten
vnd Herrschafft Miltbach mit allen vnd yglichen Zin zuegehörungen, Oberkainen
herrligkainen freyhaiten Landgerichten Kennten zinsen Gälten Getraid vnd Weinzeihennten
Pergtrechten diennst Vogteyen, Meutten hölczern Wünnen Awen Wildpanen Zaiden
Bischwaiden Bischereyen Müll mülsteg Seen vnd sunnst allen andern nutzungen vnd
zuegehörungen, Wie die genannt vnd gehaißen mügen werden vnd von allerher darzue
gehörig sein Innehalt ains verfigelten Register das berürt Herrschafft Geslöffer Stett
Mergkht Vesten vnd dorffer yedes tayls seins aufzaigns, Vnder vnsern Insign bekrestigt